

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۶ ربیع الاول ۱۳۳۵ جمعه ایرتسی ۷ کانون ثانی ۱۳۳۲ نومرو ۱۲

[سامی پاشا زاده سزائی بك افندیدن جلال نوری بکه كلن بـ صوك
مكتوب ، مشار اليك اسويچره احتساساتك ده يقينده كله جكنی تبشیر
ایدیور ؛ مجموعه‌ضر ، بو صورته سزائی بك افندینك صوك یازیلریله قریباً
ترین ایده‌جکدر .]

مح محترم افندم

جواب والفتاکزه تشکر ایدرم . فقط بیلم سز بنم بو مكتوبله لفاً ویا تردیفاً کوندره‌جکم
اسويچره طاغلرینه‌عائد بعض تحساتی آله‌بیله‌جکمی‌سکیز؟ Noël له ییل‌باشی آرە‌سندە‌یز . بومناسبتله
سپرلرده مسکون اولان نوع بشیره کوندریله‌جک ، مبادله اولنه‌جق ملیونلرله مكتوبلر ، قارتلر
آرە‌سندە وبلکه آتشلر ایچندن بوکاغده مسوده ناصل کچه‌جک ؛ کچرسه آدینی سمندر قویعلی .
مطبعه‌لردن کوندری‌لیان غزته‌لری پوسته‌لرک تودیع و توزیع ایتیه‌جکی اعلان اولندیغندن بری
اقدامك هیچ بر نسخه‌سنى کوره‌مدم . بنم ایچون سزك مقاله‌کزی او قومامق جداً محرومیتدر .
لهستانك تقسیمى تصدیق ایتیان یالکزدولت علیه اولدیغنى سزده یازمشدی‌کیز . او قومدم . سزك اقدامده
اوقویوبده اونوتمدینم بر فکر ایله بر حقیقت مآلاً خاطرمدە قالدی . بری « بزده ادبیاتك ترقیسی
بیله عسکرلکک ترقیسنی تعقیب ایتشدیر » دیکری « بوجهان حربنده انکیزلری مغلوب ایدن واک‌زیاده
دوکن بز ترکلرز » . بنده بر زمان غزته‌جیلاک ایتدیکم ایچون تجربه‌م واردر . غزته‌جیلکده ،
بودورلو حقایق و ملاحظات مهمه وبلکه بعض بدایع ، بر کره سویلتوب کچرسه ضایعدر . دائماً
تکرار ایدلیدرکه قارتلره انتفال ایله‌یه‌رک عمومك بر فکزی اولسون . « مكتوبلرمدە
آداب مکاتبیه مغایر اوله‌رق بی‌پروا کله‌لری ، حرفلری چیزوب اوزرلرینه چیقماق بکا غزته‌جیلکدن
قاله بر عادتدر . » لازم کلانلره امر ایدی‌کیزده بکا اقدام کوندرسونلر . اقدامه دور سابقده ،

شرقی

اندیشه می کلزار سرود ایلدی خندهك ،
كللر نغم عشقی بوتون دیکله دی بندن ؛
یوق بلساك آرتق سوزی ، ای یار سمنن ،
كللر نغم عشقی کلوب دیکله دی بندن .

مادمکه بن اولدم سکا بر همدم صحبت ،
بلبلیم، ایدر لحن غرامله رقابت ؟
حتی اوقادار بن دیله کلدم که نهایت
كللر نغم عشقی بوتون دیکله دی بندن .

فائو علی

آمریقا دولتنك تشكّل و توسعه دائر

بر وارمش ، بر یوقش ، اول زمان ایچنده ، ماورای اطلسیده بر بیوک فرانسه بولنیورمش .
بو حکومت معظمه نك ، الآن ، یاد داشتی اولق اوزره ، [سهن لوران] منصبده ، [نیوفاؤندلاند]
آطه سی قریبده ، ایکی هزار طاشی واردرکه بونلرك اسمی [سهن پیه ر] و [میقلون] در .
بو آطه حقلرك مساحه سطحیه سی ۱۴۱ کیلو مترو وسکنه سنك عددی ده (۶۴۸۲) دن عبارتدر .
طوعریدن طوغرییه فرانسه جمهوریت فخمه سنك ملکی اولان بو قایالقلرك جنوب غربیسنندن
اعتباراً [مه قسیقو] کورفزینه ، شرقاً [اونتاریئو] حوضه سنندن اوقیانوس معتدل ساحلرینه
قدر امتداد ایدن ایکی بیوک الكا واردی که بونلردن برنجیسنك اسمی [یکی فرانسه] یاخود
[کانادا] ، دیکرینك ایسه اون دردنچی لوئییه نسبتله [لوئیزیان] در . آمریقانك او بش بیوک
کولی ، [سهن لوران] نهری ومنصبی ، دنیانك اك اوزون نهری اولان [مسیسیپی] نك بتون
حوضه سی فرانسه تاجنه ملحقدی . یالکیز [لوئیزیان] فرانسه دن بش دفعه بیوک اولوب ایکی ملیون
بشیوز بیک کیلومتر تربیعده ایدی . بو مستملکاتی هند کبی ، [اوغاندا] کبی ، [غامبیا] کبی
(ایشلمه مستعمراتی) تعبیری ایله افاده اولونان واوروپالیلر ایچون غیر قابل سکنا اراضی ایله
مقایسه ایتک جائز دکلدر . چونکه منحصراً [لوئیزیان] الیوم اون درت آمریقا حکومتك مبنی
بولوندینی الكا اولوب [شیقاغو] ، [سهن لوئی] ، [نووہل - اورله آن] کبی اك معمور قصبه لر ،
دنیانك پك مهم مراکزى آنك حدودی داخلنده در . بو حوضه ده ، یوکون ، اون سکز ملیون
نفوس ساکندر . آمریقا حیواناتك قسم کلیسی بوراده حاصل اولور . حکومت متحده ده کی مواشینك
نصفی بوراده بسلنور . اك زنکین آلتون ، کوش ، باقر ، تیمور ، چینگو معدنلری بو اون درت
حکومت اراضیسنك آلتنده در .

یکی فرانسه ونا کانادا ، (بر قاچ آرشون قار اوغراشلغه دکز) دینه ريك محتوی اولدینی بونجه